



KEMENTERIAN PENGAJIAN TINGGI

KENYATAAN MEDIA

PELANTIKAN NAIB CANSOLOR UNIVERSITI UTARA MALAYSIA (UUM)

Tahniah dan syabas atas pelantikan YBrs. Prof. Dr. Haim Hilman Abdullah sebagai Naib Canselor Universiti Utara Malaysia (UUM) yang baharu, berkuat kuasa mulai 17 Januari 2022. Beliau merupakan Timbalan Naib Canselor (Penyelidikan dan Inovasi) UUM.

YBrs. Prof. Dr. Haim Hilman Abdullah, 49 tahun berkelulusan Ijazah Sarjana Muda dan Ijazah Sarjana dalam bidang Pentadbiran Perniagaan dari University of Portsmouth, United Kingdom. Beliau juga telah memperoleh Ijazah Kedoktoran dalam Pengurusan Strategik pada tahun 2010 dari Universiti Putra Malaysia.

Sebagai Universiti Berfokus yang cemerlang dengan bidang fokus utama iaitu pengurusan disamping berpaksikan visi UUM sebagai "Universiti Pengurusan Terkemuka", Kementerian percaya segala pengalaman, pengetahuan dan kredibiliti yang dimiliki oleh YBrs. Prof. Dr. Haim Hilman Abdullah mampu menggalas tanggungjawab dan meneruskan kesinambungan UUM sebagai pusat kecemerlangan pembelajaran dan pengajaran, penyelidikan, penerbitan dan perundingan yang terkemuka dalam bidang pengurusan di dalam dan luar negara.

Kementerian juga mengambil kesempatan untuk mengucapkan setinggi-tinggi penghargaan dan terima kasih kepada YBhg. Prof. Dato' Dr. Ahmad Bashawir Hj. Abdul Ghani atas segala sumbangan dan kepimpinan beliau menerajui UUM selama tiga (3) tahun sejak tahun 2018.

**PROF. DATO' DR. HUSAINI OMAR,
KETUA PENGARAH PENDIDIKAN TINGGI,
KEMENTERIAN PENGAJIAN TINGGI
19 JANUARI 2022**